



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Marmeducas Bovves. n. 36.

urn:nbn:de:hbz:466:1-38320

illos qui pacem suam ponunt in tuenda secessione quam fecerunt à recta fide rectisque Ecclesiæ Catholicæ moribus, & *viam pacis* (vt est apud Esaiam Prophetam) *nescierunt.*

XXXV. Alterum est ad quod animum aduertere pretium operæ fuerit; Non eadem semper violentiâ lætutum esse in Sacerdotes & Catholicos. Vt enim primis Ecclesiæ Christianæ temporibus fuere Imperatores & Iudices alij alijs læuiores, alij deinde mitiores; ita Elizabethâ regnante, cum Apostolo merito gloriari poterant orthodoxi in laboribus fuisse se plurimis, in Carceribus abundantius, in plagis supra modum, in mortibus frequentius: Feruebat enim (vt in initijs pleraque) hæresis, recenti odio incitata *Maria* Regina quæ omni conatu adlaborauerat labefactatam *Henrici* & *Edwardi* temporibus Catholicam fidem instaurare; tum etiam per suasione posse se vi & metu animos Catholicorum frangere, Sacerdotes ab instituto arcere. Mitius aliquanto egere *Jacobus* & *Carolus* si sanguinem spectes, quanquam & sub istis violenter nostris septem vita erepta est, & alijs pluribus; Catholici in fortunis grauiora perpassi sunt quam sub Elizabetha. Legibus etiam (quas octauo libro recensui.) vim suam obrinentibus, liberum erat Iudicibus, quoties vellent, his contra quoluisset agere, neque facile Reges quemquam qui in iudicium vocatus esset eximebant, cum palam refragari legibus, & Catholicis indulgere è re sua esse non iudicarent; Hinc *Edmundus Arosmithæus* Iudicis potius immanitate sublatus est quam Regis voluntate. Et postero die Catholicus alter pater familias; per causam quidem interfecti apparitoris, quem nè tetigerat quidem, fugerat etiam nè ab eo Religionis causâ insequente teneretur; Apparitorem hero imminuentem famuli insectati sunt; is fuga sibi consulens cecidit, & ex fractâ sibi ex calu tibiâ putrescente moritur. Id testibus probatum est, & ipsiusmet morientis iureiurando. Iudex tamen in vincula coniectum Catholicum necis peregit reum, & iussit plecti. Pridie quàm supplicio afficeretur, pedibus prehensum raptarunt ad fanum hæreticorum, capite ad terram toties impingente, vt detritos allisione crines sublequens populus colligeret. In fano pronus iacuit digitis in aures immisissis garrientem è suggestito Ministellum auersatus. Oblata est ei deinde vita, si vel iurare in verba solènia, vel fana adire vellet; utrumq; constanter recusans, & asserens se mille mortes pati velle potius, pendit, comes haud dubie illi in gloria qui pridie passus fuerat *Arosmithæo.*

XXXVI. Memorabile etiam est illud quod noster *Percæus* scriptum reliquit in aduersarijs de *Marmeduca Bowes*. Hic etsi fortunarum seruandarum causâ Protestantium ritus frequentabat, habebat uxorem liberisque Catholicos, & ad hos erudiendos pædagogum domi Aatholicum (Catholico enim uti per leges non licebat) Vxor in iudicium ea causa vocatur quod Sacerdotes domo reciperet foueretque: Maritus pro uxore deprecaturus sistit se comitio; rogat Iudices sui misereri velint & vxoris, neque legum pœnas exigere; esse se fidelem subditum; nihil domi agi quod perniciosam

Stantibus legibus esse semper se cuius aniam persequendi vexandi. 2. Cor. 11. 23.

Exempla aliquot Cruditatis in Catholicos. Richardus Hurst.

Marmeduca cas Bowes

1635.

fit; venire quidem aliquando notos quosdam ad uxorem viros, non tamen existimare se tales eos esse quales dicuntur esse. Aderat Pædagogus cum hæc diceret, & exclamat, probe nosse herum qui illi sint, cum eis omnem honorem exhibeat, & præ alijs in mensa, & extra mensam locet venerationis causâ loco honestiore. Iudex accusationem conscribi confestim mandat de Marmeduca Sacerdotum receptore. Ille in genua prouolutus orat, obsecrat, flagitat, lachrymatur, testes appellat circumstantes omnes qui eum quot Hebdomadis ritus communes frequentantem haud dubiè viderant. Nihil proficit; amandatur in vincula. Ingredivus carcerem, conspectâ Catholicâ sibi notâ quæ ibi detinebatur, Heu, inquit, domina, En ego tuæ Religionis causâ ducor, cum Religionem illam haud hæctenus sim amplexus! Intellexit sapiens mulier quid facto opus esset; procuravit illi congressum Sacerdotis; Ecclesiæ conciliatus & postridie plexus, sidera opinato citius, & illustri cum corona transcendit.

XXXVII.

Ioannes
Rigbey.

Celebris est actio Richardi Martini Iudicis quam Ioanni Rigbeyo intendit. Hic bono loco natus in famulatum se dederat viduæ Catholicæ; Hæc citata vt in Comitio de Religione responsura compareret, mittit Ioannem vti se ægritudinis causâ excuset, præstato de rei veritate iureiurando. Cui Iudex, quis tu es qui audes pro Papista iurare? & Ioanes, " sum utique homo, & conditione famulus) At præterea quid, reponit Iudex; Papista, an ex Protestantibus aut Puritanis quispiam, cuius deum Religionis? Vis templâ nostrâ frequentare? " Nequam,) Ita sanè existimabam; Papista es, & quiduis poteris iurare, habes enim Sacerdotem semper ad manum quite absoluat. " Ego verò (ait Ioannes) non soleo iurare, neque habeo Sacerdotem qui me absoluat.) Tum rursus rogatus de Templis & communione. " Aliquot sunt, inquit, anni ex quo ritibus vestris non interfui, neque volo illis interesse; ad Cænam vestram nunquam accessi, neque accedam vnquam, scio enim non esse Sacramentum; sum Catholicus? Credo quod vniuersalis credit Ecclesiâ) Fui sine semper Catholicus? " Non semper; inter Catholicos tamen educatus; cumq; ad ætatem peruenissem aliquanto maiorem intellexi illam in quam deuiaram viam non esse eam quâ ad salutem perueniretur.) Vis iurare Reginam esse Caput Ecclesiæ? Tum Ioannes, scio quò tendat hæc quæstio; multi sunt quos illa perplexos reddidit; Ego certè non iurabo.) Nos omnes iurauimus, si tu reculas, proditoris es reus, & læsæ Majestatis. " Ego vero, inquit, fidelis sum subditus, non proditor; quod vos fecistis, aut alij, ad me non attinet; non iurabo.)

Quid si Papa inuaderet Angliam, vt Religionem vestram inueheret; cuius partes sequeris? Papæ, an Reginæ? " Ad hæc Ioannes, Vitæ, vt video, meæ insidiamini; non est mihi tutum plura respondere.) Digressi deinde ad alia, interrogant an esset Sacerdos, an ordines suscepisset, an transfictasset; quanquam ad singula responderet negando, (neq; enim se dignum existima-